

8. Yaretakajiari Oireekite Anampitsite Anampitsitekipaye Onkantya Ojewatakantyarori Iroperori Antawairentsipaye Shekitakairiri Kireeki.

Ari amajeitakero aretakajiari oireekite anampitsite onkantya ojewatakantyarori iroperoripaye antawaerentsi ashi anampitsitepaye Maaroni Pinkatsariwentzirori oipatsijanikipaye Perú ari jaretajiari oireekite anampitsite. Te onkametsate Lima omisaikeri maaroni oireekite anampitsite. Irotake okametsatantari intsipareya kametsaini oireekite anampitsite.

Aparopaye Pinkatsari jamenakojeitero kametsaini irantawaire eejatzi oireekite anampitsite aretariri poñakotachari Lima onkantya ijewatakantyarori, ishekitakantyarori oireekite eejatzi antawaerentsi ashi inampitsite.

Ijewatantyarori Awinkatsarite antawaerentsika ontzimatye:

- (a) jampitakoteri jamenakoteri ireekite Pinkatsariwentzirori oipatsitepaye Perú eejatzi nampitsijanikipaye;
- (b) maaroni atziritepaye ontzimatye jiñantsiwentajeri tsika ikantya jantawaitakaiteri oireekite Anampitsite eero ipeyashiwaitanta;
- (c) irantakante kametsaperori antawaerentsi maaroni oipatsiteki Perú;
- (d) ontzimatye jiyomporetawakayaro kametsaini iyenkishiriamtopaye Awinkatsarite saikatzi Lima ejatzi Pinkatsariwentzirori oipatsijanite Perú;
- (e) maaroni Pinkatsarijanikipaye ontzimatye joyishitawakaiya irantawairekipaye eejatzi oireekitekipaye ashi Anampitsite;
- (f) impaitajeri owakerari yotaantsi tsika ikantaitisiri

jamenakotaittiri kireeki eero ikowityanta eejatzii antetajetantyariri maaroitene akarajeitsira asaikantaro kipatsi ashi Anampitsite;

(g) ari jampitakotakero apatotantsipaye antaro eejatzii orijaniki shekitakairiri kireeki irashi Awinkatsarite eejatzii irashi kireekipakoripaye. Irokapaye ontzimatye oyishitawakaiya antawairekipaye eejatzii oireekitekipaye;

(h) jampitakotero anampitsitepaye jantaritantyari oireekite;

(i) jiyomparetawakantajiario irantawaire, oireekite Anampitsite Pinkatsariwentzirori nampitsijanikipaye eejatzii Pinkatsariwentzirori oipatsijanikitepaye Perú;

(j) jampitakotero apatotantsipaye orijaniki shekitakairiri kireeki;

(k) impero kireeki onampitsitepaye Perú aakerori, onika, konare, sharaka, ashinonkantsi, tashetsi.